

Broj: 01-02/2-1049/26 SK/AO
Sarajevo, 07.04.2026. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM**
n/r gđin Ivan Miličević, sekretar
n/r gđa Alma Beganović, zastupnik



VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Predmet: Odgovor na zastupnička pitanja, **dostavlja se-**

Veza: Akt Vlade Federacije Bosne i Hercegovine, broj: 03-04-555-25/2026 od 17.03.2026. godine i akt Predstavničkog doma Parlamenta Federacije Bosne i Hercegovine, broj: 05/1-02-119/26 od 13.03.2026. godine

Poštovani,

Federalno ministarstvo rada i socijalne politike zaprimilo je dana 18.03.2026. godine akte, broj i datum veze, kojim su dostavljena zastupnička pitanja upućena od strane Alme Beganović, zastupnice u Predstavničkom domu Parlamenta Federacije Bosne i Hercegovine. Imenovana je, na 29. redovnoj sjednici Predstavničkog doma Parlamenta Federacije Bosne i Hercegovine, održanoj 11.03.2026. godine postavila sljedeća pitanja:

- U kojoj fazi je proces izrade i usvajanja zakonskog rješenja kojim bi se uspostavio Porodični fond Federacije Bosne i Hercegovine, posebno u dijelu koji se odnosi na podršku porodicama i eventualne mehanizme pomoći u slučaju neplaćanja alimentacije?
- Da li je izrađen nacrt ili prijedlog zakona kojim bi se osnovao Zavod socijalne zaštite Federacije Bosne i Hercegovine i u kojoj fazi se nalazi njegova procedura?
- Kada se može očekivati upućivanje ovih zakonskih rješenja u proceduru prema Vladi Federacije Bosne i Hercegovine i dalje prema Parlamentu Federacije Bosne i Hercegovine?
- Koji su razlozi eventualnog kašnjenja u uspostavi ovih institucija, imajući u vidu njihov začaj za unapređenje sistema socijalne zaštite u Federaciji Bosne i Hercegovine?

Odgovor: U kontekstu realizacije Mjere 1.2.3. Strateškog cilja 1. usvojene Strategije razvoja sistema socijalne i dječije zaštite u Federaciji Bosne i Hercegovine (2024 - 2030. godina), a koja predviđa osnivanje Federalnog porodičnog fonda u okviru razvoja i jačanja modaliteta sistemskog ulaganja u djecu i porodicu, Federalno ministarstvo rada i socijalne politike je u saradnji sa svim relevantnim domaćim i međunarodnim organizacijama i institucijama, uključujući UNICEF, kao značajne međunarodne organizacije izvršilo analizu trenutnih modaliteta administriranja sljedećih recentnih prava koja se kroz strategije, politike, prioritete, mjere i projekte, realiziraju u području osiguravanja potreba i dobrobiti djece i porodice sa djecom u Federaciji BiH, i to: dječiji doplatak,

naknada roditeljima njegovateljima, podrška porodiljama u iznosu od 1000 KM, ali i administriranja novih prava, kao što je alimentacija, a koje će biti odgovor na potrebe djece.

U tom kontekstu, a imajući uvidu iskustva zemalja Evropske Unije, zemalja regije Republike Slovenije i Republike Hrvatske, članica EU i Republike Srbije, koja je u procesu pridruživanju EU, ali i iskustava entiteta Republika Srpska, kao i iskustva resornog ministarstva u vezi sa osiguravanjem dobrobiti djece i porodica sa djecom, otvoren je proces izrade Studije opravdanosti formiranja Fonda za djecu i porodicu Federacije BiH (u daljem tekstu: Studija).

Proces izrade navedene Studije je u propisanoj proceduri povjeren Ekonomskom institutu Sarajevo. U Studiji su predložena tri moguća scenarija i to: prvog scenarija koji predstavlja kontinuitet postojeće situacije, zatim drugog scenarija koji podrazumijeva formiranje fonda, što je osnovno istraživačko pitanje u ovoj studiji, i na kraju, trećeg scenarija, koji integrira elemente prvog i drugog scenarija.

U vezi sa navedenim, federalni ministar rada i socijalne politike je donio Rješenje o imenovanju radne grupe za izradu Zakona o snivanju Zavoda za socijalnu i dječiju zaštitu Federacije Bosne i Hercegovine, broj: 05-02/1-8/25 od 26.03.2025. godine. Zadatak navedene radne grupe je da na osnovu rezultata i prijedloga Studije, sačini propis kojim će se urediti pitanja osnivanja i nadležnosti Zavoda za socijalnu i dječiju zaštitu Federacije Bosne i Hercegovine, poslove koje će navedena institucija obavljati, njegove strukture u pogledu rukovođenja, uprave i nadzora, načina njegovog finansiranja, nadzora nad radom i druga pitanja koja se odnose na osnivanje, djelatnost i rad navedenog Zavoda, a za koja Radna grupa ocijeni da ih je potrebno zakonski regulisati.

S tim u vezi, Radna grupa je održala nekoliko radno-konsultativnih sastanaka u prostorijama UNICEF-a Bosne i Hercegovine, te se može konstatovati da je izrada Prijedloga teksta navedenog zakonskog propisa u svojoj završnoj fazi. Iako je Federalno ministarstvo rada i socijalne politike svjesno značaja ovog pitanja i njegovog adekvatnog rješenja, navedni Prijedlog teksta nije još uvijek upućen u proceduru usvajanja, iz više razloga, koji se tiču kompleksnosti navedenog pitanja, kao i samog uređenja Federacije Bosne i Hercegovine.

S poštovanjem,



Dostavljeno:

- naslovu
- a/a